

**ZAPISNIK**  
**SA XXI REDOVNE SKUPŠTINE UDRUŽENJA POSLODAVACA FBiH**  
**održane dana 23.04.2024. godine**  
**u Hotelu HILLS, Congress & Termal Spa Resort Sarajevo**  
**(Sala Panorama 11. sprat)**  
**Butmirska cesta 18, Sarajevo**

Skupštinu je otvorio predsjednika Skupštine, Boris Kamšigovski i uputio uvodnu riječ dobrodošlice članovima Skupštine.

Predsjednik Skupštine je pozdravio i zahvalio na prisustvu visokim zvanicama, predstavnicima zakonodavne i izvršne vlasti na svim nivoima u BiH, predstavnicima sindikata, poslodavaca, rukovodiocima javnih institucija i agencija, zavoda, direkcija, ureda ombudsmena, akademske zajednice, međunarodnih organizacija, udruženja, članicama Udruženja poslodavaca iz čitave Federacije BiH, predstavnicima medija i svim dragim gostima iz Bosne i Hercegovine i inozemstva

Također, Zahvalio se i pozvanima na Skupštinu, a koji su opravdali svoj nedolazak zbog obaveza na drugim paralelnim skupovima u BiH. Danas se u Bosni i Hercegovini dešava nekoliko važnih skupova (Energetski samit u Neumu, konferencija o digitalizaciji I dr), a imamo i najavu kašnjenja nekih visokih zvaničnika, koje će nam se uskoro pridružiti, istakao je predsjednik Skupštine Boris Kamšigovski.

Nadalje, informisao je prisutne da je premijer Nikšić između ostalih sprječena ali da je poslao pismo podrške Skupštini. Tom prilikom, predsjednik se **zahvalio na podršci premijera Vlade FBiH gospodinu Nerminu Nikšiću** koji je u svom pismu naglasio da: "Vlada Federacije Bosne i Hercegovine prati potrebe poslovne zajednice, a okupljanje i diskusija relevantnih sudionika predstavlja uvijek iskorak u razvoju i unapređenje privrede te poboljšanje poslovnog okruženja. Još jednom izražavam žaljenje što neću prisustvovati ovom događaju te vas molim da prenesete moje pozdrave svim učesnicima Skupštine uz želje za puno uspjeha u realizaciji zadanih ciljeva i još bolje poslovanje svih vaših članica".

Na Skupštini je u ime Premijera prisustvovala gđa-Draženka Subašić, savjetnica Premijera. Kamšigovski se zahvalio svima na dolasku i očiglednoj podršci u radu Udruženju poslodavaca u FBiH, te istakao da uPFBiH očekuje velike izazove u vremenu koje je pred nama. Također je istakao da je Upravni odbor Udruženja za ovu godinu najavio kao prioritete : smanjenje fiskalnih i parafiskalnih opterećenja u poslovanju i liberalizacija i uređivanje pitanja radne snage u FBiH, što je uz očekivane procese vezane za europske integracije, zaista veliki izazov .

Prije nego što se prešlo na radni dio Skupštine, predsjednika je istakao da ima dosta najava obraćanja uvažениh gostiju, a također ukoliko neko ko nije najavio obraćanje, ipak to želi uraditi, svakako će se to omogućiti

Učesnicima su se obratili gđa Ermina Salkičević-Dizdarević, poslanica i predsjedavajuća Zajedničke komisije za ekonomske reforme i razvoj Parlamenta BiH. Zatim predstavnici vlasti na nivou Federacije BiH ministar trgovine FBiH gosp. Amir Hasičević, ministar Adnan Delić, ministar rada i socijalne politike FBiH, gđa. Claire Harasty, Direktoricu Tima za pružanje podrške radu Međunarodne organizacije rada (ILO) koja je u službenoj posjeti BiH, gđa. Aurelie Valtat, ispred Delegacije EU u ime Ambasadora Johann Sattler koji je zbog obaveza izvan BiH spriječen da lično prisustvuje, te je ovlastio gdju. Valtat, šeficu Sektora za europske integracije, politiku, tisak i informiranje da nam se obrati. Dalje učesnicima se obratio i Mirsad Jašarspahić, predsjednik Privredne komore FBiH, kao i predstavnici sindikata u realnom sektoru sa kojima UPFBiH ima razvijenu i sistemsku saradnju. gosp. Samir Kurtović, predstavnik sindikata i gđa. Lejla Ćatić, predsjednica sindikata šumarstva.

Predsjednik se zahvalio svima na uvodnim izlaganjima, na upućenim riječima podrške i ohrabrenja Udruženju poslodavaca, te ukazanom povjerenju da se UPFBiH kreće u dobrom pravcu, da smo usmjereni na napredak, te da se trebamo truditi za nove iskorake u pravcu europskih integracija i jačanja sistema, poslovnog okruženja i tržišta rada i radne snage.

Nakon obraćanja gostiju Predsjednik Skupštine je predložio da se prije usvajanja dnevnog reda izvrši izbor verifikacione komisije.

Za članove komisije predloženi su **Jasmina Muratović i Aida Sirbubalo, predstavnice stručne službe Udruženja**. Zadatak komisije je da prema listi prisutnih utvrdi da li ima potreban kvorum za rad. Obirom da nije bilo novih prijedloga donesen je sljedeći:

**ZAKLJUČAK: Prijedlog da Jasmina Muratović i Aida Sirbubalo budu članovi verifikacione komisije usvojen je jednoglasno. Predsjednik je zamolio predsjedavajućeg verifikacione komisije da izvjesti Skupštinu koliko prisutnih delegata ima na Skupštini.**

Prema izvješću verifikacione komisije predsjednik Skupštine je konstatovao da je na Skupštini prisutno preko 60 delegata. Obzirom da je prema članu 26. Prečišćenog teksta Statuta kvorum za rad 2/3 (najmanje 40) prisutnih članova, a da Skupština broji 60 članova konstatovano je da je Skupština u punom sastavu i da ima kvorum za rad i da može punovažno odlučivati.

Predsjednik Skupštine je predložio sljedeći:

## DNEVNI RED

### Radni dio

1. Izbor verifikacione komisije, zapisničara i ovjerivača zapisnika;
2. Razmatranje i usvajanje Zapisnika sa XX redovne Skupštine UP FBiH;
3. Razmatranje i usvajanje;
  - a) Prijedloga Izvještaja o radu UP FBiH za 2023. godinu (izvjestilac: Adnan Smailbegović, predsjednik UO UP FBiH);
  - b) Prijedloga Finansijskog izvještaja UPFBiH za 2023. godinu, (izvjestilac: Mario Nenadić, direktor UP FBiH);
  - c) Prijedloga Plana rada UP FBiH za 2024. godinu, (izvjestilac: Adnan Smailbegović, predsjednik UO UPFBiH);
  - d) Prijedloga Finansijskog plana UPFBiH za 2024. godinu, (izvjestilac: Mario Nenadić, direktor UP FBiH);

### Tematski dio

- 1) Fiskalne i parafiskalne reforme, propisi o minimalnoj plati i utjecaj smanjenja oporezivanja rada na javne fondove ( PIO/MIO i ZDRAVSTVENI FOND U FBiH);

Predsjedavajući je upoznao delegate da su za sve tačke dnevnog reda dobili materijale i zamolio ih da se izjasne da li prihvataju predloženi dnevni red.

Obzirom da nije bilo primjedbi i novih prijedloga donesen je sljedeći:

**ZAKLJUČAK: Dnevni red je jednoglasno usvojen.**

### **RASPRAVA PO TAČKAMA DNEVNOG REDA**

#### **Tačka 1. Izbor zapisničara i ovjerivača Zapisnika**

Predsjednik Skupštine je izvjestio da je predloženo da zapisnik vodi Mersiha Jusić, sekretarka Udruženja, a za ovjerivače zapisnika predlaže da se imenuje Ećo Suad i Igor Baroš.

Obzirom da nije bilo primjedbi donesen je sljedeći:

**ZAKLJUČAK: Prijedlog da zapisničar bude Mersiha Jusić, sekretar UPFBiH, a ovjerivači zapisnika Ećo Suad i Igor Baroš usvojen je jednoglasno.**

#### **Tačka 2. Razmatranje i usvajanje Zapisnika sa XX izborne redovne Skupštine UP FBiH**

Predsjednik Skupštine je napomenuo da su svi dobili Zapisnik u materijalima i stavio isti na glasanje.

Obzirom da nije bilo primjedbi donesen je sljedeći

**ZAKLJUČAK: Zapisnik sa XX izborne redovne Skupštine UPFBiH usvojen je jednoglasno.**

### **Tačka 3. Razmatranje i usvajanje**

- a) Prijedloga Izvještaja o radu UP FBiH za 2023. godinu (izvjestilac: Adnan Smailbegović, predsjednik UO);
- b) Prijedloga Finansijskog izvještaja UP FBiH za 2023. godinu, (izvjestilac: Mario Nenadić, direktor UP FBiH);
- c) Prijedloga Plana rada UP FBiH za 2024. godinu, (izvjestilac Adnan Smailbegović, predsjednik UO);
- d) Prijedloga Finansijskog plana UP FBiH za 2024. godinu, (izvjestilac: Mario Nenadić, direktor UP FBiH);

Predsjedavajući je upoznao prisutne da na osnovu člana 24. Prečišćenog Statuta Udruženja poslodavaca FBiH, Skupština usvaja izvještaje koje je, na osnovu člana 31. pripremio Upravni odbor.

Također upoznao je prisutne sa svim podtačkama dnevnog reda. Istakao je da su na dnevnom redu izvještaji i programi za 2023 i 2024. godinu. Obaveza Udruženja je usvajanje ovih izvještaja i planova.

Predsjednik je predložio da se podtačke a) do d) razmatraju zajedno, a nakon toga da se pojedinačno izjašnjava po svakoj od njih.

Predložio je također da se za tačke od a) do d) prezentiraju izvještaji pa program rada i finansijski plan, onako kako slijede po dnevnom redu.

Predsjedavajući Skupštine je pozvao predsjednika Upravnog odbora, gospodina Adnana Smailbegovića, da izvijesti prisutne o podtačkama a) i c).

Nakon što je predsjednik Upravnog odbora prezentirao Izvještaje predsjedavajući Skupštine je pozvao Maria Nenadića, direktora UPFBiH da izvijesti prisutne o podtački b) i d) odnosno o Finansijskom izvještaju za 2023.godinu, a potom o Finansijskom planu UPFBiH za 2024. godinu.

U svom izvještavanju predsjednik UO UPFBiH Adnan Smailbegović je istakao da je Udruženje svoju cjelokupnu aktivnost u protekloj godini kao i u prethodnim godinama zasnivalo na nastojanjima za ostvarenje sljedećih ciljeva:

Nabrojao je i neke od najznačajnijih aktivnosti Udruženja u proteklim godinama.

- ✓ Održani brojni sastanci sa političkim strankama na kojima je prezentiran dokument „Šta poslodavci očekuju od vlasti“
- ✓ Upućena inicijativa „Povećanje plaće za 400 KM na koje se ne plaćaju porezi i doprinosi“ - Izmjene i dopune Zakona o porezu na dohodak FBiH kao privremeno rješenje do donošenja sistemskih zakona
- ✓ Stalno insistiranje na donošenju Zakona o porezu na dohodak, Zakona o porezu o doprinosima i Zakon o porezu na dobit
- Upućena inicijativa za izmjenu propisa koji se odnose na zdravstveno osiguranje
- Usaglašen tekst Zakona o posredovanju u zapošljavanju i socijalnoj sigurnosti nezaposlenih osoba
- Pripremljen i u proceduru upućen Zakon o zapošljavanju stranaca kojim se pojednostavljuje procedura zapošljavanja stranaca
- Unaprjeđenje politika i strategija zapošljavanja domaće radne snage, ali i uvoza stranih radnika kroz izmjene Zakona o strancima BiH, kao i podzakonskih i provedbenih akata
- Priprema inicijative za izmjene i dopune propisa iz oblasti zaštite na radu
- Kontinuirane aktivnosti na usklađivanju sistema obrazovanja sa potrebama tržišta rada
- Svakodnevne aktivnosti na uspostavi i početku rada Ekonomsko-socijalnog vijeća za teritoriju FBiH
- Tromjesečne aktivnosti na sprječavanju povećanja cijene električne energije
- Zahtjev za donošenje odluke o ograničavanju povećanja cijene električne energije za privredna društva
- Inicijativa za ukidanje odluke o propisivanju mjere neposredne kontrole cijena utvrđivanjem maksimalne visine marži na pojedine osnovne životne namirnice i druge proizvode
- UPFBiH direktno učestvovalo u pripremi Zakona o posredovanju u zapošljavanju i socijalnoj sigurnosti nezaposlenih osoba
- Održani sastanci sa ambasadorima i predstavnicima delegacije EU u BiH i USA-a
- UPFBiH učestvovalo u “prepoznavanju” i otklanjanju brojnih administrativno-pravnih prepreka za realizaciju pitanja od interesa za poslovnu zajednicu
- Održana konferencija UPFBiH “Opterećenje cijene rada i tržište rada u FBiH”
- Održan poslovni događaj “Povećanje ekonomske razmjene između BiH i Slovenije”
- Održana Konferencija UPFBiH “Fiskalna i parafiskalna opterećenja i tržište rada u FBiH: stanje i perspektive”
- Održane brojne press konferencije
- Održana redovna Skupština UPFBiH
- Održani redovni sastanci UO UPFBiH i UO grupacija

Zatim se osvrnuo na prijedlog Programa rada UPFBiH ističući da će Udruženja poslodavaca u 2023. godini svoje aktivnosti usmjeriti na:

- Liberalizacija uvoza radne snage;
- Smanjenje opterećenja cijene rada u cilju povećanja plata;
- Ukidanje i smanjenje parafiskalnih nameta;
- Poboljšanje poslovnog ambijenta

Osvrnuo se i na najznačajnije aktivnosti UPFBiH u narednom periodu:

#### AKTIVNOSTI NA BIH NIVOU

- Inicijativa za izmjene Zakona o PDV-u, posebno kroz pomjeranje roka za plaćanje PDV-a na zadnji dan u mjesecu, plaćanje PDV-a po naplati fakture za obrtnike i male firme i ukidanje prava na odbitni PDV za fakturu koja nije plaćena
- Aktivnosti na donošenju Strategije i izmjene propisa iz oblasti zapošljavanja stranaca u BiH
- Pojednostavljenje carinskih procedura
- Izmjene Zakona o javnim nabavkama

#### AKTIVNOSTI NA NIVOU FBIH

- Unaprjeđenje ekonomsko-socijalnog dijaloga sa vlastima (konačna uspostava ESV FBiH)
- Usvajanje seta fiskalnih zakona (Zakon o porezu na dohodak, Zakon o doprinosima, Zakon o porezu na dobit, Zakon o minimalnoj plati i dr.)
- Reforme u posredovanju u zapošljavanju i evidencijama nezaposlenih osoba (razdvajanje obaveznog zdravstvenog osiguranja od funkcije posredovanja u zapošljavanju)
- Reforme u oblasti zdravstvenog osiguranja i zaštite (smanjenje tereta bolovanja na račun poslodavaca, povrede na radu i dr.)
- Usklađivanje sistema obrazovanja sa potrebama tržišta rada - kroz aktivnosti Federalnog ministarstva i koordiniranja sa nadležnim kantonalnim ministarstvima
- Bolje korištenje raspoloživih Fondova i priprema ciljanih Projekata zavoda i službi FBiH za realizaciju projekata osiguranja i zadržavanja radne snage, zapošljavanja, prekvalifikacije, dokvalifikacije, stručnih obuka i dr.
- Unaprjeđenje politika i propisa za uvoz strane radne snage
- Uključivanje UPFBiH u svim fazama pripreme donošenja propisa
- Unaprjeđenje pitanja prava na rad i zapošljavanja isključenih grupa nezaposlenih osoba u FBiH
- Aktivna uloga u utvrđivanju cijene električne energije, energenata, sirovina
- Kroz ekonomsko-socijalni dijalog i druge legalne mehanizme nastaviti sudjelovanje i iniciranje reformi i u oblasti rada i zapošljavanja, kolektivnog pregovaranja, fiskalne politike, industrije, trgovine, usluga, obrtništva i dr.

- Aktivnije uključivanje u proces europskih integracija, posebno usaglašavanje propisa, priprema i realizacija projekata iz EU fondova
- Priprema projekata sa ciljem jačanja udruženja uloge u sistemu (prema vladama, ministarstvima, zavodu i službama za zapošljavanje, međunarodnim organizacijama, nevladinim organizacijama, i dr. )

Direktor Mario Nenadić je izvjetio članove Skupštine da je prijedlog finansijskog izvještaja javan i transparentan i da se nalazi na web stranici UPFBiH.

Osvrnuo se na prihode i rashode Udruženja u 2023. godini.

Što se tiče finansijskog plana za 2024. godinu direktor Mario Nenadić je istakao kako je napravljen ambiciozan plan, koji je već početkom godine počeo da se realizira.

Naglasio je da je planirano da se aktivnije radi na naplati članarine kako bi se obezbijedilo dovoljno sredstava za kvalitetan rad Udruženja poslodavaca u FBiH.

Nakon izloženog, Predsjednik Skupštine je otvorio diskusiju. U okviru diskusije nije bilo prijedloga niti primjedbi na materijale za tačke dnevnog reda.

Nakon diskusije predsjedavajući Skupštine je stavio Prijedloge materijala na glasanje i nakon glasanja konstatovao sljedeće:

#### **ZAKLJUČKE:**

**A.D. 3.a. Izvještaji o radu UPFBiH za 2023. godinu je jednoglasno usvojen u predloženom obliku.**

**A.D. 3.b. Finansijski izvještaj UPFBiH za 2023. godinu je jednoglasno usvojen u predloženom obliku.**

**A.D. 3.c. Program rada UPFBiH za 2024. godinu je jednoglasno usvojen u predloženom obliku.**

**A.D. 3.d. Finansijski plan za za 2024. godinu je jednoglasno usvojen u predloženom obliku.**

Nakon radnog dijela Skupština je prešla na tematski dio.

#### **Tematski dio**

- 1) Fiskalne i parafiskalne reforme, propisi o minimalnoj plati i utjecaj smanjenja oporezivanja rada na javne fondove ( PIO/MIO i ZDRAVSTVENI FOND U FBiH);



Predsjednik Skupštine je upoznao prisutne da će vezano za ovu tačku dnevnog reda, učesnicima svoje prezentacije održati uvaženi profesori Faruka Hadžića i Vjekoslav Domljan.

Prof. dr. Faruk Hadžić u svome izlaganju tokom tematskog dijela Skupštine UPFBiH naglasio je da su reforme fiskalnog i parafiskalnog sistema nužnost, ukoliko želimo razvijati privredu i društvo u cjelini.

"Reforma fiskalnog i parafiskalnog sistema FBiH dugoročno neće ugroziti funkcioniranje budžetskih fondova kao što su Fond PIO/MIO i fondovi zdravstvenog osiguranja u FBiH", naglasio je prof. dr. Hadžić.

Pored neophodnih reformi kada su u pitanju porezi i doprinosi na plaće te parafiskalni nameti za snažniji razvoj privrede neophodno je povećati produktivnost.

"Upravo je povećanje produktivnosti privrede neminovno kao jedan o ključnih izvora rasta", kazao je prof.dr. Vjekoslav Domljan.

Nakon izloženih prezentacija profesora Hadžića i profesora Domljana predsjednik je je otvorio diskusiju.

Delegati Skupštine i gosti, naglasili su važnost unaprjeđenja trilateralnog dijaloga – vlasti, poslodavaca i sindikata s ciljem jačanja sistema i poslovnog okruženja u FBiH, a posebno uprovođenju fiskalnih reformi, izmjena zakona o doprinosima, dohotka, dobiti, minimalnoj plaći, ali propisa iz oblasti zdravstvenog osiguranja, posredovanja u zapošljavanju, trgovini, zaštiti na radu i ostalo.

Svi sudionici su saglasni da je neophodno jačati reprezentativno udruženje poslodavaca, te su pružili veliku podršku u daljnjem radu Udruženja i najavili zajednički rad na unaprjeđenju poslovnog ambijenta u FBiH.

Sjednica je završena u 14:00h.

## Zapisnik sačinila

Udruženje poslodavaca u Federaciji BiH

Mula Mustafe Bašeskije 12/3, 71000 Sarajevo - Bosna i Hercegovina

Tel: +387 33 264 830 / Tel/fax: +387 33 552 461 / info@upfbih.ba





**UDRUŽENJE  
POSLODAVACA**

[www.upfbih.ba](http://www.upfbih.ba)

Mersiha Jusić

**Ovjerivači Zapisnika**

Suad Ećo

Igor Baroš

**Predsjedavajući Skupštine**

Boris Kamšigovski

Udruženje poslodavaca u Federaciji BiH

Mula Mustafe Bašeskije 12/3, 71000 Sarajevo - Bosna i Hercegovina

Tel: +387 33 264 830 / Tel/fax: +387 33 552 461 / [info@upfbih.ba](mailto:info@upfbih.ba)